

**STATUT**  
**ISLAMSKJE ZAJEDNICE BOŠNJAKA U ŠVEDSKOJ**

---

**STATUT**

**ISLAMSKJE ZAJEDNICE BOŠNJAKA U ŠVEDSKOJ**

# STATUT

## ISLAMSKJE ZAJEDNICE BOŠNJAKA U ŠVEDSKOJ

---

### OPĆE ODREDBE

#### Član 1

Islamska zajednica Bošnjaka u Švedskoj, u daljem tekstu IZBUŠ, predstavlja Islamsku zajednicu u Švedskoj koju sačinjavaju Bošnjaci i drugi muslimani organizirani u džemate. Pod džematom, u smislu prethodnog stava, podrazumijeva se džemat koji je formiran i registriran u Švedskoj u skladu sa zakonima Švedske i ovim Statutom.

#### Član 2

IZBUŠ je samostalna organizacija i ima svojstvo pravnog lica, koja svoje djelovanje temelji na osnovama Kur`ana, Sunneta, Ustava Islamske zajednice u Bosni i Hercegovini, zakonima Švedske i ovim Statutom.

#### Član 3

Cilj IZBUŠ-a je da, u duhu islamskog učenja, čuva i razvija vjerski život među muslimanima u Švedskoj te da ih podstiče na vjerske i humanitarne akcije.

#### Član 4

Svoj cilj IZBUŠ postiže:

- osnivanjem džemata u Švedskoj,
- jačanjem materijalne osnove IZBUŠ-a,
- organiziranjem vjerske pouke,
- organiziranjem džume namaza, teravih namaza, bajram namaza, dženaze namaza, šerijatskih vjenčanja, akike i drugih vjerskih aktivnosti,
- organiziranjem islamskih tribina i predavanja,
- izdavanjem i distribucijom islamskih edicija,
- brigom o kvalitetnom vjerskom kadru,
- dosljednim provođenjem odluka, zaključaka i uputstava viših organa IZBiH,
- organiziranjem odlaska vjernika u Saudijsku Arabiju radi hadža i umre,
- saradnjom sa organima vlasti i drugim vjerskim zajednicama u Švedskoj i
- svakom drugom korisnom djelatnošću usmjerenom na vjersko, kulturno, obrazovno, socijalno i ekonomsko uzdizanje muslimana u Švedskoj.

### FINANSIRANJE

#### Član 5

IZBUŠ se finansira:

- procentom prikupljene članarine vjernika u džematima (hardži muhaseba),
- procentom prikupljenog zekata i sadekatu-l-fitra u džematima,
- procentom prihoda od prodaje edicija,
- dobrovoljnim novčanim i drugim prilozima i pomoći članova džemata, pojedinaca te ostalih zajednica, društava, ustanova i sl. i
- drugim sredstvima koja IZBUŠ realizira svojim radom.

Ovlašteni potpisnici dokumenata u ime IZBUŠ-a su pojedinačno: predsjednik, sekretar i blagajnik.

# STATUT ISLAMSKE ZAJEDNICE BOŠNJAKA U ŠVEDSKOJ

---

## ČLANSTVO U IZBUŠ-U

### Član 6

IZBUŠ se sastoji od džemata. Članom džemata može postati svaki građanin koji prihvati Statut džemata i Statut IZBUŠ-a. Članom džemata se prestaje biti na vlastiti zahtjev ili grubim kršenjem odredaba pomenutih statuta. Odluku o isključenju donosi Skupština džemata.

Džemat podnosi pismeni zahtjev za prijem u članstvo i obavezan je priložiti:

- statut koji ne smije biti proturječan ovom Statutu,
- registar svojih članova, kojih mora biti najmanje 100 porodica, i
- ostalu dokumentaciju potrebnu za osnivanje džemata, a koju je propisao IZBUŠ.

Postojanje uvjeta iz prethodnog stava rješenjem utvrđuje Izvršni odbor IZBUŠ-a. Odluku o prijemu džemata u IZBUŠ donosi Skupština IZBUŠ-a.

### Član 7

Ako džemat ne ispunjava sve uvjete iz prethodnog člana, a ima pretpostavke da čini organizacionu cjelinu džemata, Izvršni odbor će ga proglasiti džematom sa posebnim statusom. Uvjeti za formiranje ili osnivanje džemata propisani su u posebnom općem aktu (Pravilniku) IZBUŠ-a.

### Član 8

Svaki džemat, nakon što postane sastavni dio IZBUŠ-a u skladu sa ovim Statutom, dužan je poštivati odluke organa IZBUŠ-a. Ukoliko džemat želi istupiti iz IZBUŠ-a treba podnijeti pismeni zahtjev potvrđen odlukom džematske skupštine. Odluku o istupanju džemata iz IZBUŠ-a donosi Skupština IZBUŠ-a.

### Član 9

Džemat u okviru IZBUŠ-a ima pravo:

- sudjelovati u radu organa IZBUŠ-a preko izabраниh predstavnika,
- biti informiran o aktivnostima IZBUŠ-a i
- pratiti rad IZBUŠ-a i davati prijedloge za unaprijeđenje njenog rada.

### Član 10

Džemat u okviru IZBUŠ-a ima obavezu:

- provoditi sve odluke, zaključke i uputstva IZBUŠ-a i viših organa IZBiH,
- blagovremeno izvršavati sve svoje finansijske obaveze prema IZBUŠ-u,
- osigurati materijalne i druge uvjete za funkcioniranje svih dijelova džemata u skladu sa svojim statutom; obaveze džemata prema IZBUŠ-u propisane su posebnim aktom i
- plaćati članarinu IZBUŠ-u za sve svoje članove bez obzira na starosnu dob.

Džemat koji nije platio članarinu i izmirio druge finansijske obaveze prema IZBUŠ-u u toku godine gubi pravo glasa na Skupštini. Ako džemat nije ni do kraja druge godine izmirio obaveze iz prethodnog stava, uprkos opomenama, biće isključen iz IZBUŠ-a.

### Član 11

U sastavu IZBUŠ-a djeluje Muslimanska omladinska organizacija (MOS), koja obuhvata članove IZBUŠ-a između 7-27 godina starosti.

# STATUT

## ISLAMSKE ZAJEDNICE BOŠNJAKA U ŠVEDSKOJ

---

### ORGANIZACIJA

#### Član 12

Organi IZBUŠ-a su:

- Skupština,
- Izvršni odbor,
- Nadzorni organ,
- Savjet glavnog imama
- Izborna komisija od 5 članova
- Statutarna komisija i
- ostale komisije.

U okviru IZBUŠ-a mogu se osnivati udruženja. Rad udruženja se određuje statutom udruženja kojeg donosi skupština udruženja, a potvrđuje ga Skupština IZBUŠ-a.

### SKUPŠTINA

#### Član 13

Skupština je najviši organ IZBUŠ-a i čine je po tri delegata i imami iz džemata koji u svom članstvu imaju preko stotinu domaćinstava.

Džemati koji u svom članstvu imaju manje od stotinu domaćinstava imaju pravo na samo jednog delegata na Skupštini.

Članovi Izvršnog odbora IZBUŠ-a, također, imaju status delegata na Skupštini.

Redovna Skupština održava se svake godine najkasnije do kraja mjeseca marta.

Svaka druga Skupština je izborna, a na svakoj se podnose izvještaji

#### Član 14

Skupštinu saziva predsjednik IZBUŠ-a na osnovu odluke Izvršnog odbora.

#### Član 15

Skupština može raditi i punopravno odlučivati ukoliko joj prisustvuje natpolovična većina predstavnika. Ukoliko u vrijeme kad je zakazan početak Skupštine ne prisutvuje potreban broj predstavnika, zasjedanje Skupštine se prolongira za jedan sat. Nakon toga, Skupština počinje sa radom bez obzira na broj prisutnih.

#### Član 16

Radom Skupštine rukovodi Radno predsjedništvo od pet članova, koje Skupština bira aklamacijom.

#### Član 17

Skupština odlučuje većinom glasova prisutnih predstavnika. Izuzetak je odlučivanje o izmjenama i dopunama Statuta IZBUŠ-a, koje Skupština usvaja dvotrećinskom većinom prisutnih predstavnika. Članovi IO-a IZBUŠ-a su skupštinski delegati po funkciji. Oni ne mogu biti i džematski delegat na Skupštini.

#### Član 18

Zadaci Skupštine su:

- da određuje opće smjernice rada IZBUŠ-a,
- da donosi odluke i zaključke od interesa za IZBUŠ u cjelini i sve njene džemate,

# STATUT

## ISLAMSKJE ZAJEDNICE BOŠNJAKA U ŠVEDSKOJ

---

- da usvaja Statut IZBUŠ-a, njegove izmjene i dopune, kao i druga akta,
- da usvaja izvještaje o radu organa IZBUŠ-a,
- da usvaja plan rada i donosi budžet,
- da bira i razrješava organe IZBUŠ-a
- da bira predstavnike IZBUŠ-a u druge organizacije (SST, Studieförbund i dr.)
- da određuje visinu članarine koju džemati plaćaju IZBUŠ-u i
- da obavlja i druge poslove od interesa za IZBUŠ.

### Član 19

Vanredna sjednica Skupštine održava se ukoliko to zahtijeva najmanje trećina džemata ili ukoliko Izvršni odbor zaključi da je neophodno održati vanrednu sjednicu Skupštine. U oba primjera, odluku o održavanju vanredne sjednice Skupštine donosi Izvršni odbor.

### IZVRŠNI ODBOR

### Član 20

Izvršni odbor je najviši izvršni organ IZBUŠ-a i čine ga:

- predsjednik IZBUŠ-a, koji je, ujedno, i predsjednik Izvršnog odbora,
- glavni imam,
- predsjednik MOS-a,
- predstavnik žena,
- 5 stalnih i
- dva rezervna člana.

Predsjednik IZBUŠ-a bira se tajnim glasanjem na Skupštini, a na osnovu ponuđenog programa rada i razvoja IZBUŠ-a.

Glavnog imama postavlja i razrješava Reisu-l-ulema IZ u BiH, a na prijedlog Savjeta glavnog imama.

Predsjednika MOS-a bira Skupština MOS-a.

Ostale članove Izvršnog odbora bira Skupština IZBUŠ-a, a na prijedlog Izborne komisije. Pravo kandidiranja članova u Izvršni odbor imaju svi džemati IZBUŠ-a.

Izvršni odbor IZBUŠ-a bira sekretara i blagajnika, kao administrativna lica, na prijedlog predsjednika IZBUŠ-a, ukoliko su volonteri, a putem konkursa, ako su profesionalci.

### Član 21

Zadaci Izvršnog odbora su:

- da koordinira rad džemata,
- da provodi odluke i zaključke Skupštine,
- da predlaže Skupštini godišnji plan rada i po usvajanju radi na njegovoj realizaciji,
- da radi na realiziranju finansijskog plana IZBUŠ-a,
- da uspostavlja poslovne odnose sa sličnim institucijama i organizacijama u Švedskoj i drugim zemljama,
- da o svom radu obavještava džemate i organe IZBiH,
- da radi na realiziranjustavova i zaključaka IZBiH koji se odnose na islamske zajednice u dijaspori,
- da najmanje jednom godišnje organizira savjetovanje sa predstavnicima džemata,
- da za obavljanje odgovarajućih poslova formira stalne i povremene komisije i
- da donosi odluku o sazivanju redovnih i vanrednih sjednica Skupštine IZBUŠ-a.

# STATUT

## ISLAMSKE ZAJEDNICE BOŠNJAKA U ŠVEDSKOJ

---

### Član 22

Ukoliko neko od članova Izvršnog odbora nije u mogućnosti duže (3 ili više mjeseci) obavljati svoju dužnost ili ukoliko mu iz bilo kojih razloga prestane mandat, Izvršni odbor će kooptirati novog člana Izvršnog odbora.

### Član 23

Predsjednik Izvršnog odbora provodi i izvršava odluke Skupštine i Izvršnog odbora, predstavlja Zajednicu u i izvan Švedske, uspostavlja kontakte sa sličnim organizacijama i institucijama. Za svoj rad je odgovoran Skupštini i Izvršnom odboru.

## NADZORNI ORGAN

### Član 24

Nadzorni organ je najviši kontrolni organ IZBUŠ-a i ima tri člana, a reviziji finansijskog poslovanja moraju prisustvovati najmanje dva člana.

## SAVJET GLAVNOG IMAMA

### Član 25

Na području IZBUŠ-a djeluje i Savjet glavnog imama, kojeg sačinjavaju glavni imam po funkciji i još četiri imama sa idžazetnamom Reisu-l-uleme. Savjet glavnog imama bira Skupština. Glavni imam je predsjednik Savjeta glavnog imama.

Savjet glavnog imama:

- donosi plan rada imama,
- sačinjava analizu stanja vjerskog života u džematima,
- analizira rad u pojedinim džematima i predlaže mjere za poboljšanje rada,
- brine o stručnom osposobljavanju imama te
- razmatra i druga pitanja značajna za unapređenje vjerskog života i poduzima mjere za njihova rješenja.

### Član 26

Glavni imam je najviše vjersko lice na području IZBUŠ-a i najodgovorniji je za cjelokupni vjerski život. Obaveze glavnog imama su:

- da obilazi džemate i kontrolira stanje vjerskog života,
- da pruža stručnu pomoć imamima u njihovom radu,
- da organizira stručne seminare imama na osnovu odluka Izvršnog odbora IZBUŠ-a,
- da drži predavanja i hutbe u džematima,
- da kontrolira rad imama i daje prijedlog ocjene njihovog ukupnog rada,
- da najmanje dva puta godišnje podnosi pismeni izvještaj Izvršnom odboru i Uredu za bošnjačku dijasporu Rijasetu IZBiH o stanju vjerskog života na području IZBUŠ-a,
- da sarađuje sa Uredom za bošnjačku dijasporu IZBiH i vodi brigu da se njegova uputstva provode u djelo na području IZBUŠ-a i
- da obavlja i sve druge poslove koje mu naloži Ured za bošnjačku dijasporu, Skupština i Izvršni odbor IZBUŠ-a.

# STATUT ISLAMSKE ZAJEDNICE BOŠNJAKA U ŠVEDSKOJ

---

## ZAVRŠNE ODREDBE

### Član 27

Svi organi IZBUŠ-a se biraju na dvije godine.

### Član 28

Svi organi IZBUŠ-a su dužni imati vlastiti poslovnik o radu. Sve što nije precizirano ovim Statutom, organi IZBUŠ-a reguliraju poslovníkom o radu.

### Član 29

Svi organi IZBUŠ-a koriste memorandum sa univerzalnim znakom IZBiH, koji se sastoji od polumjeseca i zvijezde sa pet krakova, između kojih je upisano deset puta ime Allah na arapskom jeziku.

### Član 30

IZBUŠ i njegovi džemati imaju svoje pečate sa natpisom organa na bosanskom i švedskom jeziku, sa polumjesecom i zvijezdom u sredini.

### Član 31

U organe IZBUŠ-a moraju biti izabrani punoljetni muslimani, sa punim građanskim pravima, koji prakticiraju islamske propise i koji se odlikuju principijelnošću, marljivošću, susretljivošću, iskrenošću i drugim plemenitim osobinama.

### Član 32

Članovi pojedinih organa IZBUŠ-a mogu biti opozvani i prije isteka mandata na koji su izabrani, ukoliko:

- budu osuđeni pravosnažnom presudom na kaznu zatvora za nečasno djelo,
- pokažu nesposobnost za obavljanje dužnosti na koje su izabrani,
- zanemaruju i ne obavljaju uredno dužnosti na koje su izabrani,
- Izvršni odbor ili glavni imam predloži njihov opoziv zbog neislamskog ponašanja kojim kaljaju ugled IZBUŠ-a i
- krše Statut IZBUŠ-a.

### Član 33

Sva normativna akta koje donosi nadležni organ na području IZBUŠ-a moraju biti u skladu sa odredbama ovog Statuta. Džematski odbori su dužni svoje statute uskladiti sa ovim Statutom. Džematski odbori mogu štampati i distribuirati islamske edicije uz saglasnost Izvršnog odbora IZBUŠ-a.

### Član 34

U slučaju da IZBUŠ prestane sa radom, sva novčana sredstva koja se u tom trenutku zateknu u kasi IZBUŠ-a, kao i sva pokretna i nepokretna imovina postaju vlasništvo Rijasetu IZBiH.

### Član 35

Ovaj Statut, sa svim svojim izmjenama i dopunama u odnosu na prethodni, usvojen je na Skupštini IZBUŠ-a održanoj 05. marta 2011. godine u Skövde i stupa na snagu s danom njegovog donošenja. Stupanjem na snagu ovog Statuta, prestaje važiti dosadašnji tekst Statuta sa svim njegovim izmjenama i dopunama.

Skövde, 05. mart 2011. g.